

PAVLLI M. PACIAVDI
CL. REG. PRESBYTERI
HISTORICI ORDINIS HIERSOLYMITANI.
DE ATHLETARVM
KYBIΣTHΣEI
IN PALAESTRA GRAECORVM
COMMENTARIOLVM.

12



ROMAE MDCCCLVI.

EXCVDEBANT FRATRES PALEARINI
PVBLICA AVCTORITATE.



NOBILISSIMO DOCTISSIMOQUE VIRO
COMITI DE CAYLVS
REGIAE PARISIENSIS ACADEMIAE
POLITIORYM LITTERARYM SOCIO.

PAVLLVS M. PACIAVDIVS C. R.
Εὐαρίστου ὁ Διευθυντής.

§. I.

*Scriptioſis occasio ex praeclaro Κυβισῆπος sigillo enata.
Pauca haecenus de hoc palaeſtricae exercitationis genere
a ſcriptoribus collecta. Dicendorum ordo, & praeflantia.*

MVLTAE haecenus cauſſae fuerant, V. Cl.,
cur ego vel diuturnis laboribus quum eſ-
ſem defunctus, vel inclinata jam aſſe-
ctus aegrotatione, in Tuſculanum liben-
tiſſime concederem, quod felici coeli illius temperie,
regionis ſitu, aëriſque ſalubritate plane alacrior, vi-
ribuſque maxime redintegratis, urbem repetere con-
ſueverim. At ſi quando umquam Tullii illud ad At-
ticum: nos Tuſculano ita delectamur, ut nobiſmetipſiſ-
tum denique, quum illò venimus, placeamus¹, uſurpa-
re licuit, ſane tum accidit, quum ad tui benevolen-
tiam,

¹ Ad Attic. lib. 1. v. 1.

tiam, amicitiamque in Tusculano mihi aditus est patefactus. Deus certe aliquis bonarum artium stator, dum illic nuper versarer, praeclarissima tua antiquitatum collectanea in manus contradidit, effecitque, ut dum in illis perlegendis totus essem, CHRISTIANISSIMI tui REGIS Antiquarius, vir cum doctus, tum humanus, & omni officii genere diligendus, JOH. JACOBVS BARTHELEMY, qui per eos dies apud amplissimum Comitem STANVILLEVM rulticabatur, plura de mea in te observantia, ac voluntate per epistolas significaret, certioreque faceret, neminem prae me esse, qui singulare, ac laboriosum illud tuum veterum monumentorum studium, quod summa cum generis nobilitate consociasti, suspiciat magis, uberiorique commendatione prosequatur. Quibus tu litteris quam liberalissime rescribens, non injucundum id tibi accidisse affirmabas, spondebasque, quicquid sive ad mutuam inter nos animorum conjunctionem firmandam, sive ad meam in iisdem studiis excolendis industriam, diligentiam, ac curam juvandam pertineret, te animo lubenti collaturum. Coepi ex eo tempore uti opera eruditissimi BARTHELEMY, quo proxeneta praestantiores vetustatis reliquias, quas vel a scrutariis emeram, vel apud doctos viros dudum videram, cum te harum lautitiarum cupidissimo expeditius communicarem. Quia vero novitate magis, quam magnitudine rerum, ut a Cicerone dictum accepimus, persaepe excitari, & rapi solemus, animadverti, inter ea, quae meo nomine fuerant tibi indicata, nuntiataque, nihil fuisse, quod te plus oblectarit, quam exquisiti operis sigillum ex aere solido MVSEI CONTVCCIANI, exhibens imaginem, quantum ego existimo, Graeci Petauristae,

ristae, sive ATHLETAE Κυβιστῆρος, qui, demisso in terram capite, plantas coelo obvertit, totoque incumbit cernuus armo. Nam honestissima, & digna sapiente voluptate incensus continuo rogasti, praeclarum hoc, & prorsus novum cimelium tibi planius, accuratiusque describi: gemmae apographum misisti, cui Cernuator insculptus visitur, ut cum aereo simulacro a me conferretur: & quo illustrior magis, magisque in aperto res esset, sciscitatus es, ut quae de illo sentirem, libere prolixèque exponerem. Sed quoniam difficile omnino sit id genus monumenta apta oratione comprehendere, tantaque verborum proprietate definire, ut pene oculis subjiciantur; quoniamque vellem, sic statutum habeas, carissimum te mihi esse propter multas suavitates ingenii, officii, humanitatisque tuae, perficiam profecto, ut exactam hujus Saltatoris ἐπιγραφήν effigiem, graphidemque cum comite commentariolo de Athletarum κυβιστήσας in Palaestra Graecorum accipias. Quae enim ad cognoscendam pertinent antiquitatem, quae ad veterum scriptorum ambiguae, obscuriorisque lectionis loca explicanda facere possunt, quae demum in Graeca historia sunt observata indiligentius, haec ego veteri quodam meo instituto, ac more studiosius persequi soleo. Atqui haec mihi videntur paullo uberius, & fusius disputanda, quod qui de Orchestra scripsere, cubisticam saltationem aut leviter perstrinxerint, aut de ea indistincte egerint, ac perturbate. Mercurialis autem, qui universam rem gymnasticam complecti instituerat, lib. 11 cap. 14. affirmavit, Cernuatorum exercitationes silentio se praeterire, quandoquidem pauca admodum in antiquis scriptoribus deprehenderentur. Non ego vercor, ut ad eas enar-

enarrandas testium, ac monumentorum copia, ab ultima antiquitate petita mihi deficiat, sed delectum video esse adhibendum, quo veterrima a posterioribus, Graeca a Latinis secernantur, ut ex ordinata quadam argumentorum dispositione, progressionemque quasi evidens rei historia enascatur. Quamquam autem non illa mihi contigerit acerrima ingenii vis, non illa penitioris historiae cognitio, quam nuper tu, VIR NOBILISSIME, in Herculis, & Aeneae clypeis ex Hesiodi, Virgiliique doctrina excogitandis, digerendis, effingendisque mirifice demonstrasti; contendam, ut potero, tibi petenti morigerari, & pulcherrimum cernuli Palaestritae signum dicendo exornare. Interim si quid lucis hac nostra commentatiuncula antiquitatum studio affundi, earumque curiosis nostros otii Tusculani fructus nonnihil opitulari posse putabis, rem omnem ex animi sententia cessisse arbitror, Tullii enim effatum semper verissimum mihi visum est: *fructus ingenii, virtutis, omnisque praestantiae tum maxime percipitur, quum in proximum quemque confertur*¹.

s. II.

1 In Laelio.



S. II.

*Saltationis apud Graecos studium . Illius origo a Rheo ,
Theſeoque repetita . Nec ſapientibus indignum . Aliquot in
eam rem exempla . Cicero explicatus . Varia Graecae ſal-
tationis genera ad duo revocabat Plato . Saltatio παλαι-
ſπικὴ a Socrate velut militiae praeludium habita .*

Jam illud non eris admonendus, V.Cl., ſaltationis ſtu-
dium ab heroicis uſque temporibus ſic diligentiffime fuiſ-
ſe excultum, lateque per univerſam Graeciam propaga-
tum, ut non ab indoctis modo, ſed a ſapientibus etiam
id artificium laudaretur. Gentem quidem nullam video
illic fuiſſe, neque tam humanam, atque doctam, ne-
que tam immanem, & barbaram, quae non ad eam ar-
tem ſibi enitendum putarit. Ubique haec ſtudia cale-
bant, ubique ſaltationis fervebant certamina, ubique
ingenuis, & nobiliſſimis adoleſcentibus ludus ſaltatorius
pandebatur, quod liberalis illa exercitatio e coelo, ſu-
perisque originem duxiſſe putaretur, eaque jam invaluiſ-
ſet opinio, Rheam primum in natali Jovis Corybantes,
Cureteſque ad certos modos ſaltare docuiſſe¹. Certe in-
genioſam, & rhythmicam ſaltationem una cum ipſa hu-
manitate enatam cum multa declarant, tum maxime
quod Plutarchus de Theſeo refert, qui poſtquam diſper-
ſos, & pagatim viventes Athenienſes in unam urbem
contraxit, ſaltationis genus inſtituit, quo labyrinthi Cre-
tenſis errores, & multiplices flexus, orbefque exprime-
rentur². Ob eam cauſam ὀρχησις ἰνδοξόν καὶ σοφόν περι-
τιαν

B

¹ Lucianus ΠΕΡΙ ΟΡΧΗΣΕΩΣ.² In vita illius.

tiam saltandi rem gloriosam, dignamque sapiente, teste Athenaeo¹, optimus quisque Graecorum existimavit: ex qua sententia profluxit, ut fortissimi duces, nobilissimique philosophi, qui egregiam nominis famam erant adepti, neque ab imperatoria maiestate alienum, neque magistro virtutis indignum habuerint, hanc artem edificere, palamque exercere. Quod & Romanis quondam persuasissimum fuisse, non est ambigendum. Quamvis enim Cicero dixerit: *nemo forte saltat sobrius, nisi insanit*², id quidem ad mollem, lascivam, inconditam, plebejam, effrenem, intemperantemque saltationem (quam inter Graecos etiam, qui moribus essent probi, repudiabant) referendum est; nam Appium Claudium virum triumphalem, Gabinium, M. Caecilium, & Licinium Crassum concinne, honesteque saltare, laudi duxisse, aperte tradit Macrobius³. Ergo quum tanta esset hujus artis existimatio, plura saltationum genera a Graecis adiventa sunt, ut *ἰμῳλῖα*, cordax, sicinnis, thelesia, bellicrepa, gymnopedice, *παρπαῖα* &c., quorum meminere Lucianus⁴, Athenaeus⁵, Pollux⁶, Xenophon⁷, Meursius⁸, Faber⁹, Ludovicus Caelius¹⁰, Bulengerus¹¹, Averanius¹², atque Buretus¹³. Praeclarius tamen mihi fecisse videtur Plato, qui in I. de legibus omnes differentias ad duas commodum revocavit, & alteram saltationem mere *ὀρχηστρικὴν*, alteram *παλαυστικὴν* aptissime nuncupavit. Illa placida, pa-

cata,

¹ Dipnosoph. lib. 2.² Pro Muraena.³ Saturnal. lib. 11. cap. x.⁴ Vbi sup.⁵ Dipn. lib. xiv.⁶ Lib. iv.⁷ In Cytropaedia.⁸ Orchestra.⁹ In Agonistico.¹⁰ Antiqu. lect. lib. v. c. 111. &c.¹¹ De Theatro lib. 1.¹² Dissert. in Antholog. xvii. &c.¹³ Memoires de l'Academie Royale tom. 1.

cata, musicae concinnitatis plenissima fuerat, ideoque in nuptiis, conviviis, sacrisque adhibita; contra vero haec vehemens, agitata, laboriosa, eamque ob rem in circo, theatroque a fortissimis Agonistis usitata. Illa, quae sola *μαρμαρυγῇ ποδῶν micatione pedum*, vel ut Budeus adnotavit ¹, *χευρονομίᾳ, gesticulationis lege* perficiebatur, ad liberalem animi voluptatem pertinebat; haec vero, quae violentas divaricationes, circumductiones, & resupinationes postulabat, ad vires periclitandas, velut tentamen laborum, qui essent in praelio subeundi, habebatur: ad militarem quippe virtutem eam artem prodesse non mediocriter, apud Athenaeum affirmat Socrates ²; & Vegetius Graecorum sequens iudicium, juvenes, qui militiae operam navant, ad saltum praecipue exercendos, admonuit ³. Hinc Lycophron in Cassandra Martem saltatorem appellavit, quod industrie vibrati, & concitatissimi esse debeant bellatorum motus.

B 2

§. III.

¹ In Pandectas L. Athletas de His &c.

² L. xiv. confer Salmasium ad Solum. ³ De R.M. l. i. c. ix.



§. III.

Cubistefis Homericis temporibus usitata . Spartani coram Thelemaco illa se oblectant . Cur Patroclus Cernionem cernuatori comparet . Ingenuos Athenienses adolescentes huic saltationi dedisse operam . Hippoclidēs Sycione illam propalam exercet . Insignis Herodoti locus . Cretensibus in caput desaltare patrum erat .

Atque in hoc palaestrarum saltationum genere nulla κυβιστινῇ esse antiquiorem , facile constat ex his quae Homerus fons ingeniorum , & primus doctrinarum , & antiquitatum parens memoriae mandavit . Is quidem , quemadmodum ab Athenaco observatum est , duo tantum genera saltationum posuisse videtur , eorum , qui harpastum alternatim jacentes , repellentesque saltabant (quod primum Phaeacias puellas Nausicae docuit) & eorum , qui in caput provolvebantur , & corpore aut in spiram contracto , aut valide erecto pedes huc illuc diducebant : ὀρχήσεις δ' εἰσι παρ' Ὀμήρῳ αἱ μὲν τινὲς καὶ ΚΥΒΙΣΤΗΡΩΝ , αἱ δὲ διὰ τὴν σφαίρας . Saltationes apud Homerum sunt aliae CERNVATORVM , aliae cum pila¹ . Re quidem vera quum Thelemacus inclytus Nestoris filius Spartam appulisset , hospitioque a Menelao fuisset exceptus , indigenas , convnasque illic vidit variis se se oblectantes ludis ; quos inter primae partes Cernuatoribus tribuebantur .

¹ Lib. 3.

..... δοιῶ ἢ ΚΥΒΙΣΤΗΡΕ πατ' αὐτῆς
Μολπῆς ὀξάρχοις ἰδίνδον κατὰ μέσων .

..... duoque CERNVATORES inter eos
Cantum auspicantes saltabant in medio .

Alter est Homeri locus , qui huc spectare potest . Patroclus , Iliados π. prope finem , postquam occurrentem sibi Cebriōnem media in fronte lapide appetiit , ictuque lethali exanimatum ex equo misere in armos procumbentem vidit , illi convicians dexterum , egregiumque Cernuatorem appellat .

ὦ πόποι , ἦ μάλ' ἱλαρὸς ἀνὴρ ὅς ῥεῖα κυβιστᾷ

Proh Dii ! valde agilis vir , qui tam facile cernuat :

Quae quidem illusio non tam ab urinatoribus , quam a Palaestritis videtur repetita . Neque putandum , in Graecia ea saltatione fuisse delectatos homines infimo genere editos , aut qui lucro inhiabant , circumforaneos ludiones . Athenis , quae ut festorum apparatu , sic certaminum varietate ceteras urbes longissime superarunt , adolescentes liberalibus , optimisque disciplinis instituti , & a maioribus commendati , ut Herodoto credi convenit , in ea diligentissime exercebantur . Porro quum Clisthenes Sycionis tyrannus filiam nomine Agarristam destinaret nuptum dare ei , quem praestantissimum Graecorum comperisset , Sycionem ob eam rem convenerant ex omni Graecia nobilissimi adolescentes ; quumque illuxisset delectus ad nuptias dies , sacrificiis perfectis , exactoque convivio , ad gymnasticas exercitationes ventum est , ut qui in illis excelluisset , pulcher-

1 Odiss. ρ.

rimam,

rimam, regiamque virginem sibi adiungeret. Adfuit inter lectissimos procos Hippocles Atheniensis, Tisandri filius, ob suam, familiaeque claritatem conspicuus, qui postquam ἐμμίλειαν saltasset, alterum roboris, agilitatis, eruditionisque suae specimen dare adorsus est. Νεπὲς ἢ ἐπισχῶν ὁ Ἰπποκλείδης χρόνον, ἐκείλῳ τινι τραπίῳ εἰσπρίττει ἐσιλθόντος ἢ τῇ τραπίδι, πρῶτον μὲν ἐν αὐτῇ ἀρχήσας Λακωνικὰ σχηματῖα μετὰ ἢ ἄλλα Ἀττικὰ. τὸ τρίτον ἢ τέλει κεφαλῶν ἐρείσας ἐπὶ τῇ τραπίδι πῶσι χέλισι χειροτόμους. Post haec aliquantulum temporis quiescens Hippocles iussit afferri aliquam mensam: qua illata primum super eam Laconicos saltavit modos, mox alios Atticos, tertio super mensam capite statuto, cruribus velut brachii modulabatur¹. Quamvis autem Clisthenes levitatem in Hippoclide exinde suspicatus illum a nuptiis cum Agarista exclusit, tradita ab Herodoto historia luce clarius evincit, nobiles Athenienses a Cubistemate minime abhorruisse. Vsitatiorem tamen Cretensibus illam fuisse perhibet Athenaeus; πῶς μὲν ἐν Κρήσιν ὡς τε ὄρχησις ἐπιχώριος καὶ τὸ κυβιστῆν; Cretensibus quidem familiare, & patrium est, tum saltare, tum in caput se dejicere². Quod si tantopere in hanc exercitationem incumbabant Cretensium praestantissimi, ut optimi saltatores evaserint, καὶ οἱ ἰδιῶται μόνον, ἀλλὰ καὶ οἱ βασιλικώτεροι & πρωτεύοντες ἀξιώματα, non tantum homines privati, & obscuro loco nati, sed & nobiles, & primores³, quemadmodum Lucianus scribit, illud mihi non erit dubium, hoscemet illustres saltatores Cubistefi, quae suis conterraneis erat perfamiliaris, & propria, crebro fuisse delectatos.

§. IV.

¹ In Erato.² Lib. iv.³ Vbi sup.

§. IV.

Abaci, calasbi, gladii, rotæ a Graecis saltatoribus Cubistesi additi. Pisandrus horum certaminum peritus a Xenophonte laudatus. Duo Platonis de his ludis testimonia conciliantur. Saltatio per enses ad agyrtas, & thauinatopacos in Graecia traducta. Quid in τρωχῶ δινιδαι hoc nostro Petauristæ simulacro ostenditur. Aristophanis fragmentum illustratur.

Sed quoniam nihil omni ex parte natura repente expolivit, tanquam ceteris non sit habitura quod largiatur, sed levibus contenta principiis artes omnes hominum industriae, ornandas, perficiendasque permisit, hinc accidit (quod jam animadverterat Scaliger de Tragoedia cap. xiv.) ut Cubistesi multae sint factae accessiones, atque ab audacissimis Graecis saltatoribus ad rei difficultatem augendam calathi, abaci, rotæ, gladii adderentur. Atque ut illinc, unde videtur aptissimum, sumamus exordium, summorum virorum iudicio Athenis celebrabatur Pisandrus, qui virili, praesentique animo sic fuerat, ut haec non perageret modo, sed alios condoceretur. Hanc Graeci hominis fidentiam, agilitatemque respiciens Philippus ille apud Xenophontem in dialogo, qui inscribitur ΣΥΜΠΟΣΙΟΝ, ita loquens inducitur : καὶ μὲν ἴσμεν ἰδίως ἂν θανάτου Πείραστον τὸν δυνάτοισιν μάθάνομεν νύβισιν εἰς τὰς μαχαίρας. & sane ego libenter spectarem Pisandrum concionantem, docentem in caput desaltare per gladios. At non ideo ars illa ludicra, vulgaris, indecora jam tum evaserat. Nam
licet

licet Aristophanes apud Platonem in *Convivio* impurum, effrenemque amorem describens illum Cernuatori compareret his verbis : καὶ ἐπὶ ταχὺ ὁρμήσεις, ὥσπερ οἱ κυβιστῆρες ἢ εἰς ὀρθὰς πᾶσι κίλιν περιφέρονται κυβισῶσι κύκλῳ ; *et quoties celerius ire contenderet, instat eorum movebatur, qui corpore in spiram contracto, in caput se prouolvunt, et crura sursum circumferunt in orbem.* Verumtamen Euthydemus in alio Platonis dialogo, cui ipse nomen fecit, sciscitans a Critone, num Dionysiodorus, qui multas artes se probe tenere gloriabatur, hoc etiam percalleret, εἰς μαχαίρας γὰρ κυβιστῶν, καὶ ἐπὶ τροχῷ διαῖδαι in gladios devoluto capite saltare, *et in rota circumagi* ? Crito respondit, se una cum Dionysiodoro artem hanc a pueritia didicisse. Quibus rebus intelligitur, ingenuos Graecos adolescentes Platonis aevo in hoc saltationis genere fuisse eruditos. Ceterum non illud negaverim, Xenophontis, Platonisque temporibus existisse etiam circulatores, & agyrtas, qui in conviviis, & in foro hos ludos exhiberent, quique longo post intervallo hanc artem sibi plane arrogarunt. Itaque Cubistesis a liberali quadam, honestaque disciplina ad ludricum spectaculum, & scenicam pompam, atque a praeclarissimis Athleticis ad circumforaneos thaumatopoeos, & mirabilium patratores aliquando traducta est; quod indicat Clemens Alexandrinus in *Stromatis*, πρὸς θαυμαστικούς ἀνδρείους εἰς μαχαίρας κυβιστῶντας, *miraculorum effectores capite prono, ac praecipiti super enses transfluentes*².

Jam vero quid apud Graecos esset in trocho versari, atque in rota circumagi, quod Plato memorat, fortasse ex hoc nostro Petauristae simulacro licebit coniectare

¹ In Euthydemo.

² 111.

jectare . A quo certe ludo differebat vel corpus per rotam trajicere , vel corpore resupinato , capite propendulo , convolutisque brachiis rotæ instar inflecti . Mirabilis hujus artificii meminere Xenophon in convivio , Joh. Chrysostomus in oratione de jure jurando , Theodorus lib. iv. alique . Sed aliud profecto est , de quo in præsentia quaerimus . Porro quum orbicularem illum plinthum , cui Cernuator insitit , mihi attente ante oculos constituo , machinam axi infixam , & ad modum trochi versatilem fuisse existimo , omnemque saltatoris dexteritatem in eo sitam , ut postquam capite , manibusque in superficiem totus incumbere , machinam in orbem urgeret , atque propelleret ; ipse vero impetu communicato una cum trocho circulatim raperetur , convolvereturque . Atque ut hæc conjecturas a vero non prorsus abluere credam , facit Petauristæ gestus , membrorumque conformatio . Dum enim manibus valide eniti , conarique demonstrat , cruribus , pedibusque collectis sic se in gyrum flectere videtur , ut exinde totum corpus in volubili rota circumageretur . Supremum tamen vitæ periculum Cernuatori impendere , si inconsulto rotam agitasset , nullaue retenta regula circumduxisset , si quid licet divinare , innuit Aristophanes in fragmento Daedali :

Ὁ μηχανοποιός , ἐπὶ π βύλει τὸν τροχόν
Ἐὰν ἀνέκας , λίγῃ , χαῖρε φίλῳ ἡλίῳ .

In duobus hisce Comici carminibus quamvis nihil immutarint Canterus , & Coddæus , nonnulla mihi videntur metri gratia exarata , contra atque purioris Grammaticæ ratio postulabat , ideoque fortasse resti-

C

tuen-

tuendum : ὁ μηχανοποιὶ pro ὁ μηχανοποιός , ὅπερ ἂν pro ὁπότε , & ἀνέκως pro ἀνέκας ; tum facilius , veriusque in latinum sic convertere licebit .

*O Petaurista , quocunque volueris , rotam
Si urgeas , dic , vale lumen solis .*

Quod ego vero τὸν μηχανοποιόν non sim interpretatus *machinarium* , ut Scaliger , Grotius , Kustherus in alia Aristophanis comoedia eam vocem reddiderunt , sed potius *Petauristam* dicendum censuerim , certe tu , DOCTISSIME VIR , aequi bonique consules . Licet enim Lucilius , cujus verba damus §. VII. *Mechanicos* nuncuparit saltatores Cubistas , & Petauristarios ; ea voce uti libuit , quae dum omnem amoveret ambiguitatem , mutilae orationis contextui explicando esset accommodatio .

§. V.

*Graecae saltariculae per mucrones in caput transliebant .
Xenophontis , & Athenaci loca . Artemidorus refutatus .
Id genus saltationis a dipnoteriis , & foris ad theatra
translatum . In ingressu fabularum a Graecis edebatur .*

Vt autem ad illam saltationem per enses , quae tantam habebat admirationem , fando revertar , sic Graeci in ea studiose versabantur , ut etiam puellas delicatulas strenue , propalamque illi vacasse legamus . Quae quidem in re producendus primo Xenophon in *Conviniis* , ubi ait , μὲν ἢ πῶ κύκλος εἰσενέχθῃ περίμετρος ξιφῶν ὀρθῶν · εἰς μὲν οὐδὲ πᾶντα ἢ ὀρχησις ἐκυβίσαν , καὶ ἐξεκυσίσα ὑπὲρ αὐτῶν . Postea rota illata est plena gladiis , supra quos

quos saltatrix praecipiti capite transliebat ¹. Xenophon-tem insequitur, eique adstipulatur Athenaeus, a quo laudantur saltatrices, quae in dipnoterio, dum convivae opipare commessarentur, vereque congraecarent, ejusmodi edebant spectacula: *θαυμαστοὶ γυναικες εἰς ἑστὸς κυβισῶσαι*, mulieres praefligiatrices in caput se provolvantes per erectos pugionum mucrones ². Nihilominus illud Artemidoro non ego facile assentiar: *ἐκκυβιστῆν εἰς τὰς μάχαιρας τοῖς μὲν ἴσος ἔχουσιν, ἢ ποταρὸν, ἢ ποταρὸν, in caput desaltare per enses his, quibus est mos, non laboriosum* ³; nam et si usu, atque exercitatione difficultas, laborque imminueretur, gravi tamen contentione, ac periculo ea saltatio vacare minime poterat. Neque vero hoc certamen coenationibus tantum, & foris concludebatur: fuit aliquando in Graecia ludorum scenicorum pars praeambula, & fabularum jucunda quaedam ingressio. Quapropter Pollux saltationes recensens, quae usuveniebant, quum tragoediae agerentur, ait: *ἔμιν τραγικῆς ὀρχήσεως τὰ σχήματα σιμὴ, καλαθίσκος, χεὶρ κῆπρονης, κυβιστῆς*. Sunt autem tragicæ saltationis figurae Sima, Calathiscus, Manus obliqua, Cubistesis ⁴. Nec dubito Aeschylum, qui quum tragoedias populo spectandas daret, referente Suida ⁵, mirabilem patratores in scenam prodire jubebat, hac etiam perdifficili saltatione, tamquam grato, jucundoque exodio, in theatro sedentes exhilarasse.

C 2

§. VI.

¹ In principio. De Germanis, quorum indoles, & prope athletica corporis firmitas ad bella, ad labores, ad dura quaevis perpetienda semper paratissima, scripsit Tacitus de moribus Germ. §. xxiv. Genus spectulorum unum, atque in omni coetu idem. Nudi juvenes, quibus id ludicrum est, inter gladios, atque in-

festas frameas saltu se jaciunt. Plura de hoc Taciti loco liceat fortasse commentari, nisi id jam ab aliis esset occupatum; eaque investigatio orationem a proposito nimio opere abduceret. ² Lib. xv.

³ Lib. i. c. lxxvii.

⁴ Lib. xv. cap. xlv.

⁵ In Lexic.

§. VI.

Gemma excellentis artificii Cubistam referens ex Museo Comitis DE CAYLUS nunc primum divulgata, accurateque explicata. Num Etrusci saltatores hos ludos exhiberent. Ex Thufcis monumentis neutiquam id liquere.

Est hujus vero disputationis proprium, atque utinam esset etiam facultatis meae, ad perspicuam certaminis, ludique hujus speciem, ac formam lectorum animis ingerendam, ut lectissimi, ac in primis copiosissimi Musei tui gemmam, de qua superius illata mentio a me est, hic contuendam exhibeam, brevique explanatione declararem: ita fiet, ut dum illam tibi, **AMPLISSIME COMES**, officii ego non immemor, quasi expolitorem restituo, gratiam certe aliquam ab antiquitatum cultoribus ineam; sunt enim haec nedum aptissima hujus stationis ornamenta, sed dicam etiam praesidia, a quibus illa plurimum augeri, juvari que possit.



Ibi itaque robustissimum Cubistam videre est, qui suam industriam, peritiam, dexteritatem virtutem plurifariam

riam probare connititur . Audaci siquidem subfultu e solo exiliens , sumptoque impetu se se in auras ejaculatur , ibi curvato cernua dorso jam oram gerit : inclinatis paullulum cruribus , porrectisque ad eam brachiis , sic totum componit corpus , ut in caput saltando convolvatur . Sed quid breviusculae illae cuspidēs , quas utraque tenet manu ? Certe , quantum licet in re obscura conijcere , ut eas inter saltandum vel telluri infigeret , vel in scopum jaceret , vel ingeniose agitando majorem spectatoribus ciceret admirationem ; quemadmodum hac adhuc tempestate a circulatoribus fieri conspiciamus . Tum in eo commendanda artificis accuratio , quod pone Cubistam mucrones tres disco immisēs exsculperit , quos ille aut saltando jam transfiliit , aut resiliendo praetervolare parat , ut revera quae in hac arte fuerant difficillima , a gemmario hic solerter videantur expressa . Atque totum id quoniam Etrusci artificis opus esse V. Cl. existimas , non me repugnantem habebis ; nam si longinqui temporis usu , periclitatione , studioque , quascumque res cogitatione evidentius , nitidiusque informamus ; nemo profecto , perinde ac tu , veterum monumentorum differentias cognitās , exploratasque habere potest , qui innumera quovis peculio comparasti , & incredibili diligentia inter se se contulisti . Quamvis itaque nulum ex gemmae ectypo certum suppetat indicium , quo Etruscis potius , quam graecis caelaturis illam ego adnumerem , totius rei iudicium tibi experientissimo concedam .

Interim non incommodum mihi oblatum hic locum censeo , ut illud potius investigemus , an Cubistēs in Etruria aliquando obtinuerit . Praestantissimos illam aluisse saltatores argumento est , quod Livius
initio

initio libri vii. Tertullianus de spectacul. cap. 2. & Tacitus Annalium lib. xiv. prodidere . A. V. C. cccxc. quum acerba pestis luctum, cladem, vastitatem Romanis importasset, Consulibus C. Sulpicio Petico, & C. Licinio Stolori optimum factu visum est, si inter caelestis irae piamina ludi instituerentur. Sed quoniam, indigenis bello ad eum usque diem occupatis, peregrinum hoc erat, ludiones ex Etruria acciti fuere, qui ad tibicinis modos saltantes haud indecoros motus Thusco more dabant. Praeterea Etruscos in sacris peragendis, in festis, in pompis, in conviviis, in funeribus concelebrandis, omnibusque genialibus diebus pedibus plaudere, in numerum ludere, saltatorium orbem versare consueffe, quem non persuadeat clarissimis monumentis testata, consignataque antiquitas? Atque illud statim patet intuenti tabulas vel Dempsteriani operis¹, vel Etrusci Musci viri amicissimi, doctissimique A. F. Gori², imo vero tuorum collectaneorum³, quibus schematicis omne fere saltatorum genus exhibetur. Nihilominus in tanta signorum, anaglyptorum, ac picturarum copia nullus haecenus Petaminarius, nullus Cernuator, si tuam gemmam exclusero, in conspectum prodit; ut hujus rei monumenta potissimum in Graecia, cui tam frequens, tam sollemnis, tam propria illa saltatio fuerat, videantur esse quaerenda. At Romae, ubi tantus certaminum, ac spectaculorum amor, nihil horum fuisse dicemus? Illuc itaque praestabit sermonem transferre, Romanique circi, ac theatri mirabiles saltationes memoria repetere, ex quo emerget, an Cubistefis

¹ Etruria Regalis Tab. xlv. xlx. xxix.

² Mus. Etruscum. Tab. clxxxvi. seq.

³ Recueil d'Antiquitez Tab. xxxi.

stetis Graecis tantum usitata, an etiam Romanis fuerit communis.

§. VII.

Cubistema una cum aliis mirabilibus salationibus ex Graecia in Latium migrasse. Apud Romanos tamen viluisse. Petauristarii qui vere essent. Variae de Petauri significatione sententiae. Petauristae iidem, ac Cernuatores; petaurus vero plinthus versatilis.

Quod Latinorum disertissimus Cicero dixit, Romanos omnia aut invenisse per se sapientius, quam Graecos, aut accepta ab illis fecisse meliora, nescio an de ludis agonisticis etiam intelligi vellet, qui in Graecia omni ex parte adeo fuerant absoluti, ut nihil ingeniosius, splendidius nihil, nihil denique magnificentius spectari posset. Romana sagacitas, si me audis, quod illis adjiceret, profecto non habebat. Nam si in vrbe rerum domina viscebantur, qui more avium volarent, & in funibus currerent, seu ut accinit Marcus Manilius Astronomiarum lib. v.

*Membraque per flammam, orbisque emissa flagrantem,
Delphinumque suum per inane imitantia motu,
Et viduata volant pennis, & in aere ludunt;
Aut tennes ausus sine limite figere gressus,
Certa per extensos ponunt vestigia funes:*

ejusmodi praestigiatore, & schoenobatae ex cultissimis Graecorum regionibus in Latium commigrant, nec

nec video, in quo Romani fuerint industriosi¹. Eadem prorsus fuit apud Romulidas cubisticae saltationis origo, quae tantum abest, ut illic melius exerceretur, ut imo plerumque nulla cum industria, nullaque cum audacia gregarii homines in Consualibus, aut moriones diobolares in arena hanc artem facitarent. Varro de vita populi Romani: *etiam pelles bubulas oleo perfusas percurrerant, ibique CERNVABANT*²; a quo vetus ille versus in carminibus.

Ibi pastores ludos faciunt cernui consualibus.

Sed hic expeditissimus, & plane rusticus lusus. Qui vero in theatro, circove populum joculari saltatione tenebant, pegmate quodam ad cernuandum utebantur, quod graeca voce retenta, *Petaurum* Latini dixere. Non sum ego nescius, veterum scriptorum enarratores, dum hujusce vocis significationem quaeritant, in diversas, discrepantesque abiisse sententias. Aliis enim *Petaurus* machinatio quaedam elastica est, ingeniose compacta, cui saltator quum insideret paxilli alicuius elasterio excussus alte vibraretur; quo pertinere credunt Manilii carmina.

*Adnumeret etiam illa licet cognata per artem
Corpora, quae valido saluunt excussa petauro.*

Aliis bacillus est, seu gracilis pertica, per quam histrio celeriter inscenderet, & velut funerepus ultro, citroque

¹ Consule Sponium: *Dissertation sentant des Danseurs de Corde sur une Médaille de Caracalle* repré- ² V. Scip. de R. R.

troque decurreret, atque hanc interpretationem illis Martialis verbis existimant contineri²:

*Quid si per graciles vias petauri
Invitum jubeas subire Ladam?*

Aliis oscillum potius fuisse videtur, quum nimirum ope funis ex alto suspensi, interjectaeque tabulae, alterno motu antrorsum, retrorsumque quispiam se se jactabat, nec alio respexisse volunt Juvenalem, qui idcirco Petauristas cum schoenobatis consociavit³.

*An magis oblectant animum jactata petauro
Corpora, quique solent rectum descendere funem?*

Verum alia prorsus mihi semper animo infedit de Petauro, & Petauristariis sententia, & quoniam graecum id totum est, agedum, dispiciamus, quid revera Graecis placuerit, his vocabulis nuncupari. Porro Glossae veteres Cyrilli, & Philoxeni ita reddunt: *πεταυρίστῃς Cernulus*, *πεταυρίστῃ Cernui*: ex quo probe colligas, capite cernuo saltasse, devolasseque, qui Petauro ludebant. Quandoquidem vero theatrale hujusmodi pegma rota quadam tigno immissa, circumductaque constasse, ex turpi, ac propudiosa Martialis in Lydiam vellicatione apparet³; verisimillimum mihi videtur, Romanis Cernuatoribus idem fuisse Petauro ludere, quod Graecis Cubistis in trocho circummagi, ideoque versatilem illum plinthum, quem in praeposito huic commentationi schemate exhiberi §. IV. dixi, Petaurum etiam apte, congru-

D

enter-

² Lib. II. LXXXVI.

² Satyr. XII.

³ Lib. XI. XXXI.

enterque appellari posse, plane opinor. Atque in hanc validissimam machinam, quae altius aliquando attollebatur ¹, quoniam ascensus vel per prominentes circuitos, vel per admotum bacillum saltatori patebat, gracilis utique, & angusta ad illam erat via.

§. VIII.

Saltationis exercitium penes Romanos despicatum; contra vero apud Graecos. Multa exinde inter utramque nationem discrimina. Graecis saltatoribus statuae decretae. Plinius, & Libanius testes evocati.

Quamvis itaque priscis illis temporibus, quibus Numa Salios Romae instituit, hocque sacerdotio urbis primores fungebantur ², severissimis Romanorum moribus saltatio recepta fuerit, eaque celebrandis Deorum sacrificiis, ingenuaeque corporis exercitationi inservierit; labente citius disciplina, ad privatam lasciviam, procacitatemque deflexit; & quae inter aras nata, atque in palaestra alta fuerat, turpissimae voluptati, deliciisque cynaedorum coacta est ancillari. Mirari proinde minime debemus, Scipionem Aemilianum ludum saltatorium velut probrosum taxasse, Domitianum, Quaestorium virum, qui saltandi studio tenebatur, Senatu movisse, & Heliogabalum nunquam imperii majestatem turpius contaminasse visum esse, quam quum in honorem Deae Syriae saltavit ³. Illud enim Roma.

¹ Lucilius Latinorum antiquissimus apud Festum *Mechanicos* dixit Petauristarios, & Petaurum alte attolli innuit eo versu.

Sienti mechanici cum alto exluere petauro.

² Livius lib. 1.

³ Confer Avenantium ubi supra.

Romani alte imbibebant animis, hac arte praestantissimum quemque effeminari, virtutemque martiam prorsus emolliri. Secus de illa Graeci aestimabant, quibus memoria haud exciderat, Socratem virum sapientissimum aetate jam provectiorem, saltationem ἐν τῷ αὐτοδαιμόνιον μανθάνων, *inter maxime serias disciplinas*¹ adnumerasse. Ex qua opinionum, judiciorumque varietate effectum est, ut quae Romanis videbantur a principis persona prorsus abesse, & in vitiis ponenda, apud Graecos, quemdmodum in Epaminonda observat Nepos, & gratia, & laude digna ducerentur. Hinc alterum discrimen necessario obortum est, ut in Graecia saltationi studerent pueri honesto, nobilique genere nati, contra vero Romae faex civitatis ad illam se applicaret. Splendidiora proinde, longeque ampliora fuerant, quae Graecis saltatoribus praestituebantur praemia, & ornamenta. Et ut praeteream sacros tripodes, viridesque coronas, palmas, armillas, vasa aenea, phialas argenteas, clypeos, vestes mollicinas, quas, qui saltu vicissent, juxta ac ceteri Athletae, ab Helladonicis accipiebant; parumne dignitatis habebant *Statuae*, Agonothetarum sententia saltatoribus nonnumquam decretae? Nam si ad proletandam, perpetuoque conservandam palaestrarum victoriarum memoriam, simulacra posita fuisse legimus in honorem Aristonici *Sphaeristae*², Ladae *Curforis*, Clitomachi *Pugilis*, Lyronis *Luctatoris*³, Rexibii, & Opuntii *Pancratistae*⁴; ecquis unquam credat, hoc insigni honestamento saltatores caruisse? An non a Plinio accepimus,

D 2

mus,

¹ Lucianus loc. cit. Idem sensisse Pythagoram multis evincit Brucherus Hist. Phil. Par. t. I. lib. t. I. cap. x.

² Athen. lib. x.

³ V. Anthologiae lib. xv.

⁴ Pausanias in Eliacis.

mus, primam statuarum decernendarum causam fuisse sacrorum certaminum victoriam ¹ ? Quibus in ludis quum omnium primi athleticæ virtutis specimen darent saltatores, num putabimus fuisse illis denegatum, quod insequentibus Palæstritis concedebatur ? Nulli sane fuerant Olympionicis constituti honores, (si vera scripsit Libanius in oratione *ὑπὲρ τῶν ὀρχηστῶν* contra Aristidem) ², qui & saltatoribus non deferrentur.

Quandoquidem vero id genus signa a statuariis non pro libito, sed accurata quadam, constantique naturæ imitatione efformarentur, ut corporis habitum, vultus lineamenta, staturam, gestusque referrent, vereque essent *εἰκόνες ἰσομορφῆς* ³, credibile est, aenei nostri simulacri artificem similitudinem duxisse ex majori aliquo signo, quo jam expressa astatre fuerant Cubistæ figura, proceritas, habilitas, atque illa saltatio oculis objecta, in qua ceteros scientia, & usu antecellens victor evaserat; graecam enim concinnitatem, Graecique Athletæ effigiem nitidissimum opificium ostentare mihi videtur.



§. IX.

¹ Lib. xxxiv. iv.

² Opp. tom. 21. Orat. xix. pro

saltatoribus.

³ Lucian. de imaginibus.

§. IX.

Graecos Paterastiastas in ludo subligacula quandoque abjicisse, ex Thucydide, & Dionysio Halicarnassco docetur. Sed exinde minime evinci Latinum saltatorem nostro sigillo repraesentari. Consuetudo Graecorum non ab Acantho, sed ab Archontis Hippomedis decreto probabilius petenda. Homericæ Athletæ constanter succincti. Etiam post ea tempora mos retentus. Aeschines inveciam in gymnasium nuditatem Timarcho exprobrat. De graeco nostri Cubistæ galericulo adnotatio. Commentarioli conclusio.

At erunt fortasse homines, quibus hic ea statim injiciatur dubitatio, Graecis perperam me adscripsisse *Statuam*, quae inter Romanae vetustatis monumenta fuerat potius recensenda. Romanum enim fuisse, inquit, inter ludendum eas corporis partes, quae palam revelari naturalis honestas vetat, panno amicire; e contrario Graecos pudori hac in re omnino pepercisse, abiectaque zona lumbari, gymnasium nudos fuisse ingressos. Ac ne multa importune huc conferam, Lacedaemoniis id culpae datur a Thucydide, quod primi subligacula in ludo deposuerint: ἡγυμνάστῃσιν πρῶτον καὶ ἐς τὸ φανερὸν ἀποδόντες λίπα μετα τὸ γυμνάζεσθαι ὑλείσαντο. τὸ δὲ πάλαι καὶ ἐν τῷ Ὀλυμπιακῷ ἀγωνί καὶ ζώματα ἔχοντες περὶ αἰδοῖα οἱ ἀθληταὶ ἡγυμνίζοντο. iidem primi corpora certaturi nudaverunt, propalam se exuentes, oleoque nuxerunt: quum olim etiam in Olympiaco certamine athletæ subligacula circa verenda haberent¹. A Lacedaemoniis ad ceteros Graecos pessimum

D 3

morem

¹ De Bello Pelopon. lib. 2.

morem se citissime fuisse, ut Augusti aetate femoralium usus inter gentis illius Athletas omnino obsoleverit, apertius tradit Dionysius Halicarnassensis his verbis: *μὲν οὖν τῶν ἀθλημάτων ἀγωνισταί, τῶν δὲ κούρων καὶ τῶν βαρέων τὸ μὲν ἄλλο σῶμα. γυμνοὶ τὸ δὲ περὶ τὴν αἰδῶ καλυπτόμενοι τὸ καὶ εἰς ἐμὲ τὸ ἔθος ἐν Ῥώμῃ διέμενε, ὡς ἐξ ἀρχῆς ἐγένετο παρ' Ἑλλήσιν. ἐν δὲ τῇ Ἑλλάδι κληθεὶς Λακεδαιμονίων αὐτὸ κλυσιδέων. Post quos (bigarios, & quadrigarios) athletae graviorum, leviorumque certaminum nudi ceteras, pudenda tantum tecti subligaribus campestribus: qui mos Romae mansit ad mea usque tempora, sicuti olim fuit in Graecia, ubi nunc antiquitatus est, orto a Lacedaemoniis¹ principio. Argumentum specie quidem validissimum, sed re ipsa infirmum. Nam primo quaeram, eccur Saltatoris statua, qua artifex ad hujusce aeraei sigilli deformationem tamquam exemplari usus est, non potuerit Thucydide, Dionysioque esse antiquior? Age insuper, quae nam causa fecit, ut subligacula apud Graecos Agonistas in desuetudinem venirent? Profecto non unius Acanthi Lacedaemonii exemplum: aliunde petenda novimoris origo, atque progressio; ex eo nimirum, quod de Orsippo Megarensi scripsere Pausanias, Eusthasis, atque Isidorus². Huic agilissimo cursori Olympiade XIV. coxendicum tegmina maximo impedimento in Stadio fuisse perhibetur. Sive illa cursoris genua pressius constringerent, sive inter pedes agitatione ipsa delapsa, implicatum retinerent, ac retardarent, certe Orsippum hac una de causa palma excidisse omnium consensione credebatur: quare Hippomenis Archontis sententia provisum,*

¹ Antiquit. Roman. lib. VII.

² Pausan. Attic. prope finem.

Eust. Iliad. 4. Isid. origin. lib. XVII.

c. XVII.

visum, ut qui in stadium Olympicum certatum veniret, femoralia, subligaculaque abjiceret. At quid, si illa ita laxè compacta, opportune aptata, & hac illac intercisa, ut saltationi, refupinationi, incurvationi nihil prorsus offecissent? In hunc plane modum composita videntur nostri Cubistae subligacula; quippe quae nullam in partem resiliant, sed coxis concinne adhaereant, licet vi inversi motus secus contingere debuisset. Si ergo de incommodo, quod Athletis ex hoc inodesto operimento quandoque obveniebat, provide cautum esse poterat, plane autumo, ingenuos, frugique adolescentes decori, honestatique hac ratione consuluisse, nec Orsippi casum, aut Hippomedis decretum omne pudoris studium palaestra exterminasse. Homerus sane, qui heroas nihil usquam indecorum agentes inducit, in ludis media corporis parte succinctos constantissime describit. Ut ex multis pauca referam, Iliados 4. de Ajace, & Vlyssè colluctaturis in Patrocli funere sic loquitur:

Ζωσαμένω δ' ἄρα πῶ γ' ἑ βάλω ἐς μέσον ἀγῶνα.

Succincti vero hi quidem prodibant in medium certamen.

Odysseae autem 8. acer Vlysses cum Ivo concertaturus, cunctis laudantibus:

Ζώματ' μὲν ῥά κ' εἰσιν περὶ μῦθ' αἶψα, πάντες ἢ μὴ πρός

Καλὸς π, μεγάλ' αἰ, πάντες ἢ οἱ ὀπίσθ' ὤμοι

Σπίθια π, σιβαροί π βραχίονες

Praecinxit quidem pannis genitalia, enudans vero femora

Venusta, & magna, ostendens latos humeros,

Et pectus, validosque lacertos

Num

Num igitur inter Graecos Athletas nullum prorsus Homericorum modestiam ceterorum nuditati praetulisse dicemus? Num ad unum omnes nihil de pudore laborasse credendum erit? Sed quid ego plura conquiram, quum mihi uti liceat testimonio irrefragabili? Est is Atheniensis orator, Alcidas discipulus Aeschines, Acantho, Orsippoque aetate posterior, qui in oratione contra Timarchum, illud protervo homini exprobrat, quod quum omnes pudicitiae leges violasset, atque Atheniensium adolescentum corde eradere satagisset, eo petulantiae devenit, ut, omni operimento detracto, palaestricam exercuerit: *ἔποσι τοῦ πάλας, ἀλλὰ πάλιν ποτὶ βίβας δοιμάτιον, γυμνός ἐπαγχατίζω ἐν ἡλικασίᾳ*; ipse autem non olim sed nuper, abjecta veste, nudus toto corpore pugilem agebat in populi frequentia.

Hoc igitur fixum, ratumque maneat, Graecos Pancratiastas, qui essent animo paullo verecundo, virilitatem subligaculis, cingulis, fasciis amicire confuisse, ideoque aeneum MUSEI CONTVCCIANI simulacrum a me Graeco Cubistae non immerito adjudicari. Tandem Graecum Athletam hocce sigillo repraesentari, nisi quid me fallit, indicio est calantica, seu pileolus ex lana coacti, retinaculis utrinque constrictus; nam si proprium fuerat Graecorum saltatorum, comam alere, promissisque delectari capillis, quemadmodum Libanius dixit in oratione *pro Saltatoribus*, jam illud erat consequens, ut inter cernuandum galericulo illos constringerent, ac continerent, ne in frontem reflu visum obnubilarent. Id reliquis Palaestritis usitatum fuisse legimus, qui bene aptatam capiti galeam toro, aut taenia sub mento colligata (quam Homerus

Iliados

Iliados γ. ἐχία vocat) detinebant , eo prorsus pacto , quo nostro in schemate adamusim expressum visitur .

Haec sunt, COMES SPECTATISSIME , quae quamvis putarem , non melius scire me , quam te , attamen observantiae nostrae consentaneum arbitratus sum colligere in unum locum , & non perscripta modo , sed typis excusa ad te mittere . Nam quoniam de praeclarissimo ATHLETAE κυβιστήρος sigillo illud a me exquisieras , quod tu ingenio , doctrinaque tua facile consequi poteras , duplicem mihimet legem dixi , ut quae in re dispersa fuerant , ratione , & distributione sub uno aspectu ponerem , tum ad cetera privata officia publicum hoc mei erga te cultus adjicerem testimonium , ne quid fecisse reliquum viderer , quod me tibi devincire in perpetuum posset . Hoc si a te impetraro , ut nostrum consilium acceptum habeas , nutuque tuo confirmes , plurimum semper amicissimo , doctissimoque BARTHELEMY me debere profitebor , non tam quod ex illius consuetudine numquam , nisi eruditior discefferim , quam quod in tui gratiam , illo auctore , devenerim . Quamobrem illud unum certissimum habeto , me de summo ingenio , de studiis tuis optimis , deque amplissima dignitate tua ita judicare , ut quae pertinere ad te intellexero , studiosissime omnia , diligentissimeque sim curaturus . VALE.

ROMAE Prid. Id. Sextiles cIdcccLvi.



I M P R I M A T U R

Si videbitur Reverendissimo Patri Magistro Sacri
Pal. Apostolici.

F.M. de Rubeis Patriarcha Const. Vicefg.

I M P R I M A T U R

Fr. Vincentius Elena Ord. Præd. Reverendiss.
P. Mag. Sacr. Pal. Apost. Soc.